



Vita de ploania y de paisc

- **Crejima:** en **vendres ai 11 de iener** ales 20:00 vegnel tigní te salf de calogna d'Al Plan na serada söla Crejima con don Paolo Renner. Ara é ponsada por **geniturs, totes y toc** dai crejimandi. La Crejima por le comun de Mareo gnará tignida la domegna ai 26 de ma 2019 a Al Plan y le sacramont gnará aministré da signor Markus Moling.
- **Festa por seniors:** desco vign'ann organiseia la Joneza na festa dai seniors, eniann **en domegna ai 13 de iener**, por düc chi co é nasciüs dan l'ann 1953. Ales 14:00 sarál na santa messa te dlijia y dedô s'aspetarál n'aorela cörta te Ciasa dles Uniuns con teatri dai scolari dla elementara y de vigne sort de mangiaries duces y boandes cialdes.
- **Parones de Mareo:** l'Uniun dles Patrones de Mareo organiseia a La Pli en **curs da balé fox**; al met man en vendres ai 11 de iener da sera y an s'encuntará endöt 6 iadi. Enformaziuns y prenotaziuns, cina ai 9 de iener, pa Manuela, ☎ 342 5256085.
- **Iscriziuns ala scolina:** al ven lascé alessi che les iscriziuns por l'ann 2019/20 ven fates te scolina da La Pli le **lönesc ai 14 de iener dales 14:00 ales 15:00 y le dedolönesc ai 15 de iener dales 14:00 - 15:00**. Al pó gní scrit ete mituns y mitans nasciüs y nasciüdes dal 01.09.2013 cina ai 28.02.2017.

1

enformaziuns y termins

KVW Senioreclub: en dedemesaledema ai 9 de iener ales 15:00 s'encuntun te salf dles manifestaziuns d'Al Plan, olache al gnará festejé i 10 agn dal Senioreclub. Te cösta ocasiun gnarál mostré fotografies de chisc 10 agn.

Comun: por chi co á ma sac dal ciomont y nia n contegnidu, ven eniann i sac partís fora por dötalann. Porchel é düc der bel enviés da passé te comun dai 7 ai 18 de iener dertan les ores d'ofize (lönesc, dedolönesc, jöbia y vendres dales 09:00 ales 12:00 y dedemesaledma dales 08:00 ales 12:00) a tó i sac por l'ann 2019. Al é ince la poscibilité da i prenoté por telefon, ☎ 0474 503755 o por e-mail a margareth.rubatscher@comun.mareo.bz.it

Udienza dla defensuria zivica Gabriele Morandell o de söa colaboradessa Verena Crazzolaro, en vendres ai 11 de iener, dales 14:30 ales 16:00, te Ciasa de Comun a San Martin. Enformaziun y prenotaziun, ☎ 0471 946020.

Döt le bun a: Imelda Olivotto, *Ciadura* * 09.01.1935
Caterina Feichter ved. Elliscases * 12.01.1937
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

06.01.2019 - GRAN FESTA DE SANTABOGNA

n. 6



☞ Is 60, 1–6 | Ef 3, 2–3a.5–6 | Mt 2, 1–12


Dal Vangelo do San Mateo:

[...] ⁷Dedô á Eródes cherdé i scenziés adascusc da d'el y s'á lascé cunté avisa, canche la stera ea comparida. ⁸Spo i ál orcé a Bétlehem y ti á dit: Jide y enrescide avisa do le möt; y canch'i l'eis ciafé, lascémal alessi, por ch'i váis ince iu a l'adoré. ⁹Do cöstes parores dal re, éesai piés ia. Y la stera, ch'ai á odü jenn sö, ti jea danfora cina söle post olach'al ea le möt; danló éra stada chita. ¹⁰Canch'ai á odü la stera, ái albü na gran ligreza. ¹¹Ai é jüs ete tla ciasa y á odü le möt y Maria, söa oma; danló s'ái enslené jö y l'á adoré. Spo ái tut fora sü tesurs y ti á ofrí por scincunda or, ancionsc y mira. ¹²Mo deach'al ti é gnü racomané tal som, de ne jí nia plü da Eródes, éesai jüs por n ater tru a ciasa te so paisc.

Oraziun dal de

Periun! Dio onipotent, con la stera, a chera che i sapionc ti é jüs do, ti aste encö revelé to Fi ai popui: condüjese ince nos, ch'i t'án conesciü tla fede, a odei deplen töa gloria. Do cösc te periunse por Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.

(Lezionar C)



☞ *Letöres dla festa dal Bato de Gejú:*

Is 40, 1–5.9–11 | Titus 2, 11–14; 3, 4–7 | Lc 3, 15–16, 21–22

Edema liturgica dai 06.01. ai 13.01.2019

DOM 06.	GRAN FESTA DE SANTABOGNA, APARIZIUN DAL SIGNUR <i>Casper, Marciun, Baldessé, beata Gertrud</i>
08:30	gran messa ciantada por dōta la ploania s.m. en onú de Santa Maria dal Aiüt y dla Pêsc ♫ <i>Ignaz Reimann, "Pastoralmesse in C"</i>
14:00 10 y 18	espi da festa y benedisciun eucaristica <i>s.m. a Al Plan</i>
Lön 07. 07:30	<i>Valentin dla Rezia, Raimund da Peñafort, Marie Therese Haze</i> <i>s.m. a Al Plan</i>
Ded 08. 07:30	<i>Severin, Erhard</i> s.m. por vis y defonti dal Craizer y de Val s.m. por les Püres Armes plü desmonciades
Dem 09. 18:00	<i>Iulian, Alex, Adrian</i> <i>s.m. a Al Plan</i>
Jöb 10. 19:30	<i>Gregor da Nyssa, Wilhelm</i> s.m. por †† Rosa y Pire Willeit, Sach s.m. por †† Jep y Susanna Mühlmann, Baldessé
Ven 11. 07:10	<i>Paolin, Thomas</i> <i>s.m. a Al Plan</i>
Sab 12. 18:00 19:30	<i>Tatiana, Tanja, Hilda</i> <i>s.m. prefestia a Al Plan</i> s.m. prefestia por † Maria Ellecosta ved. Erardi, Longega s.m. por † Berto Ellecosta, Longega
DOM 13.	FESTA DAL BATO DE GEJÚ <i>Hilarius, Remigio, Gottfried</i>
08:30	gran messa por dōta la ploania <i>oferta por i debojügnis dla ploania</i>
→ 14:00 10 y 18	s.m. por i seniors, <i>dedô encuntada te Ciasa dles Uniuns</i> <i>s.m. a Al Plan</i>
<i>ampola:</i>	por † Paola Brandlechner
<i>ministronc:</i>	▶ da doman y domegna: Daniel Pedevilla y Matteo Willeit ▶ da sera y domegna: Noemi Erlacher y Denise Erlacher
<i>i recordun:</i>	Massimo Topran Cutin + 06.01.2016



Trei scincundes, önn en cör su (Mt 2, 1-12)

I ponsi do

Le iade lunch dai Magi se rōa con n gest de adoraziun y de gran fede: ai sa che chel picio möt tai brac de Maria é le Fi de Dio y le Salvatur de dōta l'umanité.
Les scincundes a Gejú mostra sö realtés misterioses: el é re, preo, profet ... Mo ci co fej ciamó plü morveia é le gran cör sciompl de chisc sapionc, gnüs da dalunc adalerch, mo der dampró al cör de Dio.

I preii ensciö

Ci pói pa iu te scinché, Signur Gejú? I n'á degün or co podess fá plü preziosa mia scincunda. L'ancionsc mo pö val' da nia desco scincunda y emplü mo fêjel gní la tos. La mira, da dí la lereté, ne sessi gnanca olá jí a dô. Mo le cör, chel á! Nia dagnora generus y davert desco le tó, nia dagnora da coraji y tan costant desco chel dai Magi co á fat n tru tan lunch por te encunté. Mo ince sce al é picio y valiade öt, cösc cör ôi te scinché, Signur Gejú, con döt l'amur ch'i sun bun y i pó ester sogü ch'al te plej. No mo dí ch'i sun egoist: i sa belo che la plü gran scincunda mo fajaráste pa empó tö, deache te emplesces cösc mio cör con engröm de scincundes de to amur y de tōa amizizia. Ci compagn tan gran y demorveia che tö es!

Walter Cazzaniga, Parola amica – Il Vangelo della domenica per ragazzi

20 C + M + B 19

**Nicht der Stern
ist
der Inhalt
der Sternstunde
für die Weisen.
Zielpunkt
und
Inhalt
ihres Suchens,
Sternstunde
ihres Lebens
ist
die Begegnung
mit dem Kind.**

